

da "I QUIZ UNIVERSALI"
Ma l' Ammore.....che robb' è ?"

All'amico cattedratico
di Biologia molecolare

'O mistero 'e l' Ammore

Io vules' 'a spiegazione:
a che serve tutta 'a Scienza
si nun dà 'a dimostrazione
d' 'e misteri d' 'a coscienza ?

Si nun trova 'na risposta
p' 'a domanda cchiù banale,
che ognuno già s' è posta
comm' "quiz universale" ?

Ma l' Ammore.....comm' è fatto ?
Chi 'o produce ? Che robb' è ?
S' adda potenzià l'olfatto
o 'o sguardo p' 'o vedè?

È 'na cosa naturale,
basta sulo bona 'a vista ?
O è sovranaturale ?
Nun se vede...eppure... esiste !

Fosse mai..... 'na citochina ?
E' 'na ghiandola, 'n' ormone ?
Casomai..... 'n' encefalina
o 'n' ato gas int' 'o pulmone ?

Addò nasce ? Int' 'o cerviello ?
Certo 'a sotto d' 'a corteccia !
Si arragiona troppo, chillo,
nun 'a mena chella freccia;

o è 'o core 'o motore,
che produce st' energia,
senza manco 'nu rummore
e senza fa' 'n' economia?

Nun è certo l'intestino
che tenimmo dint' 'a panza,
poco nobile è 'o destino
poca, pure, è... l'eleganza.

Pure 'o fegato si dice
che produce tanto umore,
ma l' Ammore è assai 'nfelice
si d' 'a bile.....tene 'o sapore.

Stesse dint' 'o pancreàss ?
'n' ato enzima fannullone ?
e int' 'o sanghe s'infilass'
pe' te fa' sagli 'a passione ?

Dint' 'o rene ? o 'a curatella ?
Ma 'o segreto addò è che sta ?
Dint' 'a milza ? manco chella !
Stesse dint' 'o DNA ?

Tutto chello che è pensato
s' adda sempe dimostrà;
quann' nasce 'nu scenziato
cu stu genio 'e ce pruvà ?

Biologia molecolare,
nun te mèttere appaura,
c' 'o quesito universale
nun può fa' brutta figura.

Ce vulesse 'nu studioso
che tenesse 'a fantasia,
cu 'nu spirito curioso
p' arrivà...oltre 'a poesia.

Successivamente i colleghi Ginecologici si sono lamentati perché, secondo loro, era stato trascurato l'apparato di loro pertinenza, che essi localizzano **"al di sotto della cinghia"**, e non è difficile intuire che, a catena, si sono fatti vivi anche i rappresentanti Specialisti di quegli organi che non erano stati menzionati (Ematologi, Dermatologi, Otorinolaringoiatri, Oculisti, Dentisti, Ortopedici, Laboratoristi, etc..) per cui il Gambizzato è stato costretto ad aggiungere nuove strofe per completare quella che è diventata una vera e propria lezione di diagnostica differenziale, secondo la classica metodologia clinica dei Maestri di Clinica Medica.

Nun po' sta'.... 'a sotto 'a cinta,
fosse troppo materiale,
llà se resta sulo incinta!
Nooo...l'Ammore..... è spirituale

chill' Amore malandrino,
chiuso dint' a 'na papilla,
e pò fa' cagna' 'o destino
si se gonfia.... 'na tonsilla.

e neppure int' 'a vescica
'ncopp' 'a prostata in carrozza,
pure si l'idea è antica,
a me pare troppo rozza;

Certo 'a recchia, 'o naso, 'a gola,
l'unghia, 'o callo, 'o dente, 'a vista,
nu sospiro, 'na parola.....;
e ccà..... interviene l'Oculista:

e nemmeno sta int' 'o seno,
addò nasce 'o cibo eterno;
nun ne può fa' certo ...a meno,
ma l'Ammore, llà,.....è materno.

"Stesse Ammore int' 'a pupilla?
E si 'a guard' dint' a l'uocchie,
nu riflesso, 'na scintilla.....
e te fa piegà ...'e ginocchie?"

Certo 'o sangue si ribella
si 'a tuocc' 'ncopp' 'a vita;
fosse Ammore..... che ribolle
dint' a ogni eritrocita ?

E allora 'o Farmacista,
che pur'è 'na mente ricca,
s'intromette: ..."non insisto,
fosse, tutto,... na pasticca?"

o è colpa 'e nu capillo,
che svolazza dint' 'o cielo
e te fa scatta' 'a scintilla
se si scontra con un pelo ?

Ma, si Ammore è onnipresente,
'ncielo, 'nterra e in ogni luogo,
se 'nfiltrasse dint' 'a mente
pe te fa appiccia' 'o fuoco ?

E quasi a termine d' 'a vita,
me ricorda..... chella vecchia:
"nun so' ancora rimbambita,
t' ha' scurdato pure 'a recchia

E, pazziann' a nascondino,
certo po' ...ce trova sfizio.
Ce vulesse ... 'n 'indovino !
Stesse dint'..... all' interstizio ?"

e l' Ammore, alla mia età,
nun è vero che se scorda,
Isso chiamma, in realtà,
ma ormai...so' troppo sorda

So' rimaste sulo l'ossa!
Si l'Ammore stesse llà,
ce 'o purtammo dint' 'a fossa
pecchè vvòll' Eternità ?

e si basta 'na parola
pe' squaglia' 'nu core tuosto,
manda chella lengua 'a scola
pecchè forse llà è riposto

Cecco Gambizzato, 2000

Gli ultimi versi richiamano, ancora una volta, al mistero del trascendente ed al senso metafisico dell'Amore, della Vita e della Morte, racchiuse in un unicum indecifrabile ed indefinibile.

E sovviene una riflessione del grande psicanalista Carl Gustav Jung (1875 - 1961), letta in uno dei suoi libri:

**“Essendo una parte, l'uomo non può intendere il tutto. E' alla sua mercè...
L'uomo può cercare di dare un nome all'amore, attribuendogli tutti quelli che ha a disposizione, ma sarà sempre vittima di infinite illusioni.
Se possiede un granello di saggezza, deporrà le armi e chiamerà l'ignoto con il più ignoto, “ignotum per ignotius”, cioè con il nome di Dio.
Sarà una confessione di imperfezione, di dipendenza, di sottomissione, ma, al tempo stesso, una testimonianza della sua libertà di scelta tra la verità e l'errore”. (C. G. Jung, Ricordi, sogni, riflessioni, 1961)**

(Coratella = Cuore, polmoni, fegato e milza)

Con il termine coratella si intende l'insieme delle interiora dell'abbacchio che vanno dalla trachea ai polmoni insieme al cuore, al fegato, alla milza ecc.